

Lo for

Autor(en): **C.C.D.**

Objektyp: **Article**

Zeitschrift: **Le conteur vaudois : journal de la Suisse romande**

Band (Jahr): **11 (1873)**

Heft 26

PDF erstellt am: **15.09.2024**

Persistenter Link: <https://doi.org/10.5169/seals-182343>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

En police correctionnelle :

Le président. — Comment reconnaissez-vous votre mouchoir ?

Le plaignant. — A sa couleur, j'en ai plusieurs autres semblables.

Le président. — Ce n'est pas une preuve, car j'en ai moi-même un dans ma poche qui est exactement pareil.

Le plaignant. — Ça ne m'étonne pas, on m'en a volé plusieurs !

— Monsieur, j'adore votre ainée, voulez-vous m'accorder sa main ?

— La droite ou la gauche ?

— Dame!... moi, ça m'est égal...

— C'est que j'ai déjà accordé la gauche...

— Qui est-ce qui vous a donc rendu bossu ?

— Mon imprudence, hélas!... J'ai bu dans un verre malpropre et j'ai avalé un grain de citrouille.

Lo For.

Lise, va t'èin, vouàiti s'on a onco praò pan,
Sein quiet sè faut budzi po fèrè àò for déman.
Hiai matin lo monnài a ramenà la farna,
Yen avài on quintau, marca lo su l'armana ;
Et crie lo petiou, que l'aulè tot lo drai
Sein peidrè n'a minute, tsi Jeannot lo fornài,
L'ài derè, à cé potu, que n'arein la lindzire
Et que faut, sein manqua, no mettr'á la premire...

Lo fornài a promet, faut prepara la mé,
Et fèrè lo lévan, Lise, dévant la né ;
Va pouàisi dein lo sa pè bounès zéimbottaiès
Kà po noutron trafi, faut dai grossès fornaiès ;
Et déman, bin matin, ye sè foudra levà ;
Lo Jeannot ara couàite dè veni coumandà...

Eimpatà ! eimpatà ! out-on vai lè trà z'hàorès
Et la Lise, dào lli, chàotè frou sein sècàorè
Son gredon, son fàordà, et sein pi sè pegni
Coumeint lè z'autro dzo, quand l'èin a lo lesi.
Vito su lo soyi, l'allumè n'a dzévalla
Le fà tsàodà dè l'édhie sein s'étrè fête balla,
Et tot ein attuzeint, le decouvèrè la mé
Et retroussè sa mandze tant qu'àò coutset d'ào bré,
Apré quiet, dein la mé, l'édhie tsaud'est vaissàie
Et bintout àò lévan, à la farna méclliàie,
Cein vo fà on papet que n'est ma fài pas biau
Et qu'est d'on bllianc pe coffo què la pietra dè tsau...
Quand lè mans de la Lise ont praò fé dè papetta
Le nettiè sè brès avoué onna raclietta
Et le preind pè bocon la pàta que l'a fé,
Le sè met a tapà clliau bocons dein la mé
Tant que l'èin aussont praò. Adon d'na couverta,
D'on coussin, d'on lèvet, la mé est recouverta
Po que la pàta àò tsaud fassè dào pan levà
Sein quiet lo pan sarài plliat coumein dào papà.

Tandique dein l'hotò, la pàta fà la panse,
Jeannot, ein atteindeint, fà on fù dè metsance
Et quand lo for praò tsaud, est bllianc, n'èin faut pas mé
Et yè faut l'ài passà lo racllio et l'écové.
Dein on cheindri, ma fài, grand coumein n'a tsambretta
Lo fù que soo dào for, va sè fèrè ein brasetta.
On vài aloo veni bouèbett'et valottets

Qu'apportont lè quiessettès, lè copons, lè foncets,
Qué sont eintrepousà, àò for, su le panàirès
C'est po garda la plliace. Bintout noutrè coumàrès
Apportont à lào tor la tàtra, lo kegnu
Et apré leu lè z'hommo ne vignont pas vouàisu.
Dèssus onna sùvire àò bin n'a béruetta
L'aminont la croubelhie. Pouï vont bàire quartetta
A la pinta à Dàvi, ein passeint pè lo prà
Kà se fenna vayài, ne l'ài arài pas grà...
Quand l'écové a fé sè derrairès passaiès
Lè tàtrès dein lo for, vito sont einformàies.
Adon dè compatà, dè fèrè dai coucons
Dai taillis à la dratse, dai taillis ài gràobons,
Lè fennès sè dépatson, et tsaquena est pressàie :
Dè bailli àò fornài cein que l'ài vint por pàie.

Quand le kegnu est couet, tot coumein lè coucons,
Lè fennès à la fila, portont dein lè copons
Lè pans que sont vaissà à botson su n'a pàla
Avoué quiet lo fornài lè z'einvoué su la dàla.
Mà dévant d'einformà, la marca dè fer bllianc
Lào fà dai grossès lettrès. Et dinsè tsaquè pan
Sara praò recognu pè son propriettèro
Kà quand sont alligni coumein dai militéro
Ne retràovrènt lào maitrè qué pè lo nom que l'ont.
A défaut d'na marca que lài gravè cé nom,
On bocon dè papài àò bin on bet d'épena
Lào sert dè passeport d'ào for à la cousena.
Lo formài ne dit rein quand tot sè passè bin,
Mà quand lo pan s'alliettè, ye fà on détèrtin
Ye teimpètè, l'insurtè et fennès et felhiettès :
« A quiet servont, dit-te, voutrè sacré quiessettès ;
« On tot petit bliosset est-te don tant péasant,
« Apportà dè la farna et dèpedzi cé pan ! »
Lè fennès qu'ont praò braga ont n'a pouàire d'ào diabblio
Kà on fornài falsi n'est pas tant agrèabllio.
Enfin quand dein lo for, ti lè pans sont fourrà,
Lè fennès à l'hotò dussont s'èin returnà,
Mà ne sè pressont pas, kà du lo derrài iadzo
Ye s'èin est tant passà, pertot, dein le veladzo
Que ye faut racontà cein qu'on sà su tsacon
Sein quiet on ne pào pas reintrà à la màison.

Quand à la fin dai fin, l'ont fè la plliace netta,
Que lo bruit a botsi, après demi-hàoretta,
Lo fornài dai tsouï cé pan que dai soigni ;
Avoué son grand crotset ye lo va débougni,
Et lo laissè fini dè couàirè su lè pierrès ;
Et quand l'est ressuvi, bin rosset, bio à vairè,
On lo trait et lè metsès restont su lo trabllia,
Yo lo vignont queri lè dzeins qu'ont einformà.
Lè z'einfants asse bin, sont quie, et ein catsetta
Ai pans bin eimbougni, dègrussont là navetta ;
Et quand tot est parti, fennès, pans et einfants,
Lo for est rallumà po ein refèrè atant.

C. C. D.

L. MONNET. — S. CUÉNOUD.

Au magasin MONNET, place St-Laurent.

Pour cause de changement de domicile, on liquidera avec un fort rabais deux ou trois cents caissons de cigares, ainsi que des cigares de Grandson et de Vevey, par cent et en sus; plus un joli assortiment d'articles de fumeurs, tels que pipes d'écume, porte-cigares, étuis, meubles à cigares, pipes de bruyères, etc., etc.